



Ministero
per i beni e le
attività culturali
e per il turismo

Direzione regionale musei
del Friuli Venezia Giulia



MUSEO STORICO E IL PARCO
DEL CASTELLO DI MIRAMARE



Soprintendenza
Archeologia,
belle arti e
paesaggio del
Friuli Venezia Giulia

ZORNADE INTERNAZIONÂL DAI DIRITS DES PERSONIS CUN DISABILITÂTS

JOIBE AI 3 DI DICEMBAR DAL 2020

Une dì ad an dut l'an



*Ai 3 di Dicembar dal 2020 - Zornade Nazionâl dai dirits des personis cun
disabilitâts*

Ai 3 di Dicembar e je la **Zornade internazionâl dai dirits des personis cun disabilitâts**, istituide tal 1981 de Assemblee gjenerâl de ONU par promovì la inclusion des personis cun disabilitâts e par combati ogni forme di discriminazion.

Il Ministeri pai bens e lis ativitâts culturâls e pal turisim al sosten la iniziative promovint manifestazions e events in dute la Italie a pro dai principi di avualance di dutis lis personis e de impuartance di garantî a ducj **lis stessis oportunitâts pe fruizion e pe cognossince dal patrimoni culturâl**.

Lis ativitâts proponudis a vuelin sensibilizâ e cjapâ dentri ducj i publics par favorî une citadinance ative e cussiente su lis tematicis de **inclusion sociâl**.

Ancjemò di plui chest an, là che si à scugnût confrontâsi cun limitazions, restrizions e dificoltâts par vie de pandemie, al è impuartant rifleti su lis strategjiis pussibilis e atuabilis par miorâ l'acès al patrimoni culturâl e la sô fruizion, cence lassâ indaûr nissun, sot dal sproc ***Une dì ad an dut l'an***.

Par ducj chescj motîfs, in ocasion de Zornade internazionâl dai dirits des personis cun disabilitâts, la **Sorintendence Archeologjie, bielis arts e paisaç dal Friûl - Vignesie Julie** e organize un **webinar** e e coordene la realizazion di un **filmât** par promovì la cognossince dal patrimoni culturâl de regjon, par descrivi l'impegn e lis gnovis modalitâts che lu fasin acessibil e fruibil a dutis lis personis, cun disabilitâts o no, ancje cumò, in graciis des pussibilitâts metudis a disposizion des modalitâts in linie.

In graciis de colaborazion cu la Direzion regionâl dai museus dal Friûl - Vignesie Julie e cul Museu Storic e il Parc dal Cjistiell di Miramâr, al è stât realizât un **contribût video**, che al sarà publicât sui sîts istituzionâi e sui canâi social dai Istitûts cjapâts dentri, dulà che e sarà frontade la tematiche de acessibilitât e de fruizion dai bens culturâi conservâts intai **Museus e intes areis archeologjichis statâls in region**. E sarà la ocasion par rifleti insiemi su cemût che chest patrimoni al è diventât disponibil e gjoldibil par un public cun disabilitâts e, ancje se dome in maniere virtuâl, si podarà aprofondî la sô cognossince ancje in cheste fase complesse di sieradure di ducj i lûcs de culture.

Il Diretôr dal Museu Storic e il Parc dal Cjistiell di Miramâr al acompagnarà il public inte visite virtuâl al Cjistiell e al Tinelut di Carlotta de Belgjiche, al plan tiere dal percors museâl, fevelant di curiositâts e di aspjets leâts a chest ambient li che di solit il public nol pues acedi, e ilustrant i lavôrs di conservazion e di valorizazion realizâts di resint.

Il video al permetarà dopo di jentrâ in maniere virtuâl intes salis dai Museus Archeologjics Nazionâi di Cividât e di Aquilee, cuntun aprofondiment gjavât fûr de rubriche “*Parla l’esperto*”, progjetade de squadre dal Museu Archeologjic Nazionâl di Aquilee, cu la colaborazion di esperts e di studiôs, par fâ dialogâ il public cu la colezion museâl. Si podarà ancje acedi in maniere virtuâl a une des areis archeologjichis di Triest, la Basiliche paleocristiane di vie Madonna del Mare che, pe storie particulâr dal so rinvigniment, no permet di acedi in maniere facile par vie di rampis di scjalis e di ambients strents.

Al è impuartant il contribût iniziâl dal dotôr **Aldo Grassini, President cun funzions di Diretôr dal Museu Tatil Statâl Omero di Ancone**, pont di riferiment in Italie pes tematicis di acessibilitât aes coleziions museâls.

Il video ***Museus e acessibilitât in Friûl - Vignesie Julie***, introdusût dai contribûts de dotore Simonetta Bonomi, Sorintendente de SABAP F-VJ e dal dotôr Aldo Grassini, President dal Museu Tatil Statâl Omero di Ancone, al vierç lis puartis virtuâls di chescj Istitûts:

- Museu Storic e il Parc dal Cjistiell di Miramâr
- Museu Archeologjic Nazionâl di Cividât
- Museu Archeologjic Nazionâl di Aquilee
- Areis archeologjichis dal F-VJ – Basiliche Paleocristiane di Triest

Lis platformis dulà che si podarà acedi al video a saran:

<https://www.sabap.fvg.beniculturali.it/>

<https://www.facebook.com/SABAP.FVG>

<https://www.youtube.com/channel/UCRMBskD1-u444ns6xdJPbmQ>

<https://www.miramare.beniculturali.it/category/media/>

<https://www.museoarcheologicoaquileia.beniculturali.it>

<https://museoarcheologicocividale.beniculturali.it/>

Ai 3 di Dicembar aes 17.00, cun di plui, e sarà fate la direte Webinar cul titul “***Vignût cun nô a viodi...***” par ilustrâ i **intervents principâi di restaur** che la Sorintendence e je daûr a fâ cumò in Region, par acompagnâ il public intune visite virtuâl a cantîrs e laboratoris di restaur. Ducj i partecipants a podaran cognossi di dongje e jentrâ in **lûcs par solit**

inaccessibii. I intervents di restaur a saran presentâts cun atenzion no dome al aspjet tecnic, ma ancje a curiositâts e a details inmagants.

“Vignît cun nô a viodi...”

Program de zornade

Salût istituzionâl

- dotore Simonetta Bonomi, Sorintendence ABAP F-VJ

Intervents

- Un restaur "sonôr": il Cuintripont bestiâl di San Vît dal Tiliment

Elisabetta Francescutti - Catia Michielan

- Glesie di Sante Clare di Udin: di là dal volt

Vincenzo Giampaolo

- Denti de opare

Rosalba Piccini - Nicoletta Buttazzoni

- Il patrimoni culturâl par ducj. Fruibilitât, ricognossibilitât, acessibilitât. Propuestis, intervents, itineraris pal acet ai bens storics e artistics

Stefania Casucci

Partecipazion libare e gratuite jentrant achì:

<https://meet.google.com/jte-ufgg-aqp>

Triest 25.11.2020

Ufici Comunicazion e Promozion de Sorintendence Archeologjie, bielis arts e paisaç dal Friûl - Vignesie
Julie

sabap-fvg.comunicazionepromozione@beniculturali.it

Tel. 0432504559 - 0404527511

<http://www.sabap.fvg.beniculturali.it>; @SABAP.FVG